

Singamong le Allah



Watson Goodman bba
ge njembon Verset neelé

Maktub neelé d'ari ge kar
bóo to ge mba ndogo el

SINGAMONG LE ALLAH

Deouje ge Allah ra dee qe nduji nang lé, see d'a kaskem kor ginn singamong le Njekunda dee, esé d'a kaskem kor ginn gosokemkàr lea ge yeen ra ne néje lai to ge banwa. Kor ginnee riba dea ge raga ndegese togebè a dum dee ya, mbata singamong le Allah neelé al do loo lem, dum takenji le deouje lem to.

Allah riba do rea mee Maktub lea, to Maktub le Allah ya. Ta ge yeen ula ci kenneng lé toji ci singamong lea njai-njai. Né ge rara ge dum deouje do nang nee qe mba ra lé, singamong le Allah askem ra ya! Yeen unda nang nee aree to penn loo ge mee daraje'g. Yeen aree to kenneng lebee bula dum tura. Mbol do singamong bba yeen gedee ne aree to ne léee ge yeen undá kenneng. Cheitan deen qe deouje ra né bbed-bbed tuji ne nang neelé, nê lee togebè kârâ Allah ged nang nee tos kemee dea'g ge ketté-ketté.

Baciné maji kar ci n'tenn Maktub le Allah qe mba koo ne taje ge nanje ge woji do singamong le Allah ge ngang loo lea goto.

— Watson Goodman (1920-2002)

SINGAMONG LE ALLAH BBA UNDA NE NÉJE 1

Esaïe 40:18a, 22, 25 qe 26

See na bba sein ndigi kwojije ne Allah wa . . . To yeen nja bba shi tar ndôi do nang ge guburu'g lé lem, deen ge d'ishi kenneng to d'asena qe bédéje lem to. Yeen laa daraje to ge kubu ge woilo bëe. Yeen laa dee to ge kei-kubu ge ra qe mba karee to looshiee bëe . . . See na bba sein ndigi kwojimje ne kam m'to tana sea wa. Njemeenda pa bëe. Unnje kem si tar aaje loo ooje! See na bba unda néje neelé wa. See na bba ar njeröje lea d'aou qe kudu dee kudu dee wa. Yeen bbar dee lai qe ri dee ri

dee qe goo bôô domong qe singamong tog mbang lea ge dum do loo. Yeen ge kara ge lal kunda ria lé goto.

Jérémie 32:17

Ei! Mbaidombaije Njeshiqenean! Aa oo, i ra daraje qe nang nee. Mbol do bôô singamong lei lem qe jii ge unn loo lad-lad lé lem to. Né kara ge njedumi-i lé goto.

Hébreuje 1:1a, 2

Allah lé . . . ndea ge gogonee, yeen pata ar ci, né Ngonnee bba ria ne se ci dea. Yeen neelé bba Allah unda ne nang nee lem, aree to njenéje lai lem to.

2 CHEITAN ASKEM KUNDA NANG NEE KUNDA PENN LOO MEE DARAJE'G EL

1 Pierre 5:8

Undaje kemkàr do ro si'g, raje kem si rakaa mbata njekurai ge to ge njeban le si lé, ain do si kor-kor asena qe toboin ge ain do loo mba kuba né kwa kinja miin do'g her-her lé to.

1 Corinthienje 10:20b

Togebè bba, ma m'ndigi kar si omje mee si nan'd sad qe ndilje ge yèr lé el to.

Jean 1:1 qe 3; 10:10a

Ketté ge dotar LOGOS shi kenneng. Logos neelé shi qe Allah lem, Logos neelé to Allah to. . . . Yeen bba unda néje lai-lai, né ge rara kârâ yeen bba to

njerea. . . . Yeen ge njebbogo lé yeen bbogo dee lem, tinja gwos dee lema, busu dee lem to.

Jesu unn ta ge rang ula dee pana: Ma m'to lookàr le nje ge nang nee. Yeen ge unn reou goom'g ndaà, a njaa loondul'g el, nê yeen a nai dann kàr'g, a shi ne qe khem lé. — Jean 8:12

To ge jeen n'to deoukundaje le Allah lé ndaà, maji kar ci j'enji mee ci'g m'pana: Allah to asena qe larlor esé qe larnda ge deen lèn lem, esé qe mbal ge tol qe ji dee qe goo néndaji le deouje lem lé, maji kar ci j'enji bèe el. —Néranjekainkulaje 17:29

Allah lé pata gol kara ba ya.
Nê yee ge gol joo lé m'oo, oso
mbim'g togebè pana: Singamong
lé to kan Allah ya kara ba.

—Psaume 62:12

Allah le ci lé shi dara ya, yeen
nja ra néje lai to ge méee ndigi
ya to. — Psaume 115:3

Unn kudee ketté ge dotar ya
saar lé to ma ya, bée bba deou
kara kârâ a kor rea jim'g el. . . .

—Esaïe 43:13a

Bôo qe singamong, qe ronduba
qe majidum to kain-i Njeshiqenean
ya; mbata néje lai ge to
dara qe donang nee to kain ya;
lookonbbee to kain-i Njeshiqenean
ya, mbata i ur do néje'g lai.

To i nja bba nébao qe ronduba
in roi'g, i nja bba ge deou do
néje lai, i nja bba singamong
qe dumdoloo to mee jii'g lem,
qe to mee jii bba domong ge in
do maree ge ketté-ketté to ke-
nneng lema, qe kar néje lai to
ne njang lem to.

—1 Chroniques 29:11, 12a

Mbaidombaije Njeshiqenean, i
unn kudu toji kura lei bôo lei
qe ji singamong lei; see Allah
ge ra bba dara esé do nang nee
to tana sei ge askem ndaji nérage
ge dum do loo ge i ra dee lé wa.

—Deuteronomie 3:24

Allah lé, né kara ge njedumee
goto. — Luc 1:37

4 SINGAMONG LE ALLAH GE TURU DO LOO PUBU'G

Exode 15:7

Mbol do ronduba'g lei ge bôo
ge dum do loo lé i os ne njebanje
lei om dee nang; i ar ong lei om
do dee'g on dee to ge per on
lem mu bèe.

Psaume 147:5

Mbaidombaije le ci lé to bao-
singamong, kemkàr lea kârâ,
rudee goto lem to.

Néhémie 9:6

I bba to Njeshiqenean, i ya
kara ba kiao bba to njekunda
daraje ge to do nan'd do nan'd
qe néje lai ge to kenneng lem,
qe nang qe néje lai ge to kenneng
lem, baa-bôo-kad qe néje lai ge

to méeen'g lem to. I bba ar néje
lai d'aou khemba lem qe né-
kundaje lai d'unda barmba
noin'g lem to.

Psaume 104:1

Kankemrom, unda non dokai-
segere le Njeshiqenean! Njeshi-
qenean, Allah lem, bôo lei rudee
goto. Ronduba qe majikornjor-
ong lé i dôlé ne roi yul.

Psaume 145:2, 3

M'a kunda non dokaisegere
lei qe ndom-ndom, m'a kunda
non rii qe ndom-ndom saar qe
non. Njeshiqenean lé to deou ge
boi; yeen nja askem kinga pa
pitije le bôo-deouje ya to; bôo
lea lé kârâ dum ger ya.

SINGAMONG LE ALLAH TO QE NON

5

Togebè bba, reou kaou ge bbeekon ge Mbaidombaije Njekaji ci Jesu Kristi ge a to qe non lé, rebee a to ne tag bendeng kem kar si andje kenneng.

—2 Pierre 1:11

Omje mee si do Njeshiqenean'g saar-saar qe non, mbata Njeshiqenean to kor mbal ge to qe non.

—Esaïe 26:4

I to Allah ge shi qe lebi-lebi qe noin bbad bba i unda nang nee qe néje ge kenneng lai lem, i ar mbalje d'uba kenneng bei lem to.

—Psaume 90:2

Nê Njeshiqenean to Allah ge to kankemta, yeen to Allah ge Njeshikhemba ge to mbai ge

njegelbbe ge njeshi qe lebee-lebee qe non.... —Jérémie 10:10

Ndu deouje bbar dara doo-doo pana: Bbeekon ge nang neelé tel to kan Mbaidombaije le ci qe kan Kristi lea lem, yeen e kuba do dee gao shi tar qe lebee lebee qe non lem to.

—Apocalypse 11:15b

Allah a tuji singa Cheitan lé
Apocalypse 20:10

Njekurai ge sula dee lé, d'wá d'illá dann per ge tad reg-reg ge on bilim-bilim ge kunjee teen kas njir-njir . . . néurti a kula kem dee ndôo . . . qe leb dee leb dee saar-saar qe non.

6 SINGAMONG LE ALLAH GE DO MANN BAA-BÔO-KAD GE RIA LE KAS LÉ, TO BBEL KEDM-KEDM

Exode 14:21, 22, 26-28, 31a

Moïse ula jia nding do mann baa-bôo'g. Togebè Njeshiqenean ar lel-bôo in bér ula gigigi loondul'g ya saar ar loo àr bba mba kos mann baa-bôo ge gogo; yee bba yeen ar baa-bôo lé tutu kurum-kurum lem, mann lé kârâ kai rea danna lem to. Ngann Israëlje d'and mee baa-bôo'g asena qe loo ge tutu kurum-kurum, ar mann baaje lé tel d'asena qe ndogo par ge do jokol dee'g qe do jigel dee'g to. Njeshiqenean ula Moïse pana: Ula jii nding qe do mann baa-bôo'g: bée bba mann-baaje lé d'a tel

ree tôr dee'g gogo, d'a turu do Egyptienje qe do pousse-röje le dee qe do njekundaje le dee to. Moïse ula jia nding qe do mann baa-bôo'g. Loo àr mban ndaà mann baa lé tel ula pujuju-pujuju; togebè Egyptienje d'ainyee; nê Njeshiqenean bbugu Egyptienje mee baa-bôo'g danna bab Mann baaje lé tel turu do pousse-röje qe njekundaje qe njebôo-röje le Pharaon lai ge d'and goo ngann Israëlje mee baa-bôo'g lé ndaà, deou kara kârâ nai el.... Israëlje d'oo ji singamong le Njeshiqenean ge yeen ula do Egyptienje'g.

RA NÉMORI GE RARA KÂRÂ ASKEM DUM ALLAH EL

7

*As leb 40 lé yeen ar deouje
tol-tol-dog-loo-tol-dog néso*

Exode 16:13-15a qe 35a

Do kâr'g ndaà, biriwije reeturu do loo shi dee: teen qe ndolé mann tàl wa do nang gir looshi dee'g to. Loo ge mann tàl lé sané kad mban ndaà, do nang ge dodillaloo'g lé, né ge tèn-tèn bée asena qe kand kô lem, né ge tèn-tèn bée asena qe jinga kô ge nda lem to, to kenneng. Ngann Israëlje d'oo ndaà d'ula nan pana: See to ddiwa.... Ngann Israëlje d'on manne lé as lebdee ro so saar teen ne loo ge deoujera bbee kenneng

*Deouje d'as tol-tol-dog-loo-tol-dog
beé, yeen ar dee mann d'ai*

Exode 17:6a

Aa oo, m'a kaar noin'g dombal ge Horeb; i a kunda mbal nee ndaà mann a teen kar deouje d'ai.

*Baa ge ruba raga lé yeen ogee
kula ge ketté-ketté*
Josué 3:17a

Njekinjanémes ge to njekunn sanduk mânnroje le Njeshiqenean lé d'aar kogero do gol dee'g do nang ge tutu kurum-kurum dann bba ge Jourdain, ar Israëlje lai des do nang ge tutu kurum-kurum. . . .

8 ALLAH GE NJEKOR BBER DO DEOUJE AREE MAJI DUM

Deouje neelé d'aar qe kubuje ge gwoji ge gel maree'g ro dee'g lem... qe kubuje le dee ge rang lem to bba deen tö dee d'om dee ne mee bwa ge per on kenneng bilim-bilim. To ge ndukunn le mbai ge njegelbbe ke-dere yaan lem, per ge on mee bwa'g lé kârâ on al do loo sula lem to ndaà, ndon per teen unda deouje ge d'om Schadrac, Mé-schac, qe Abed-Nego kenneng tol dee ne. . . . Togebè njekaa do deb bbeekonje lem... qe nje-munjitaje le mbai ge njegelbbe lem to, deen mbon do nan loo kara; deen d'oo to ge per neelé ra

né kara kârâ ro deouje ge neelé el lem, yinga do dee kârâ per unda aree gondero el lem, kubuje le dee ge gel maree'g ge ro dee'g lé, né kara kârâ ra el lema, bain per ya kârâ end ro dee'g el lem to.

— Daniel 3:21, 22 qe 27

Mbai ge njegelbbe unn ndia ar dee ree qe Daniel, ar dee tilla mee bwa'g dann toboinje'g... Daniel illa mbai ge njegelbbe'g lé pana: Allah lem ula kura lea ge dara aree ndém tâ toboinje su-du mba kar dee ra sem némajel kara kârâ el, mbata ta kara kârâ wa dom nean'g el.

— Daniel 6:16a qe 21, 22a

SINGAMONG LE TA LE ALLAH LÉ

9

Njeshiqenean pana: See ta lem lé to asena qe per lem, qe mon ge tö ne mbal lem to bée el wa. — Jérémie 23:29

Ta le Allah lé to ta ge khemba ge bbar min yaan, ad yaan unda kiambas ge ngangee joo, tan mbuna kankemro qe ndil lem, tan mbuna singa qe ubee méeen'g lem, teg takenji le ci ge mee ci'g lem to. — Hébreuje 4:12

Tulaje dogugu kaji do si'g lem, qe odoje ninga le Ndil lé lem to; yee bba ge ta ge in tâ Allah'g. — Ephèsekang 6:17

See ngonn ge basa lé a ra killareou lea karee ted pal ngat-ngat

to ge banwa; maji karee njaa qe goo ta lei. — Psaume 119:9 . . . Ta lem ge ma m'or m'ula si lé, sein àrje ne rang-rang mban. — Jean 15:3b

Ula kankemta meen dee'g or dee ne unda dee qe kemee dôi mbata ta lei to kankemta ya. — Jean 17:17

. . . Ta ge woji do kishi qe khem lé kârâ sein a kwaje mbuna dee'g kogero lem to.

— Philippekang 2:16a

Yeen ula Juifje ge d'om meen dee dea'g lé pana: Boo lee sein a naije dann ta ge lem ndaà, sein a toje njekwakillamje ge ged togero ya. — Jean 8:31

10 JESU KRISTI LÉ TO ALLAH GE TEL DARO DEOU

Mbata Kristi lé unn kubururo Allah ya lad-lad. —Colossienje 2:9

Ngomand a koji ngonn ge dingam; d'a kunda ria le Emmanuel, tel ta koji ci, Allah nai se ci. Joseph . . . deen ger nan el saar yeen oji ngonn ge dingam, ngonn neelé yeen unda ria le Jesu. —Matthieu 1:23-25

Nê Jesu illa dee kenneng pana:
Baum shi ra kula dea ge ketté bei, bëe ndaà, ma kârâ m'ishi m'ra kula dom ge ketté bei to.
Gelee ge nee bba ar Juifje sang ne kemee yaan unda nje ge ketté mba karee udu ne, deen d'aou sea qe mba sabbat bba goo kara ba el, nê to mbata bbar ge yeen

bbar Allah baubeeje wa ne rea ge daro Allah lé to.

—Jean 5:17, 18

To ta le Ngonnee ge ged-ged ge d'ojee ginnka David'g, yee bba woji do darea, nê teen ge yeen teen dokumbwa'g lé unda ne rea ar ci j'éee ne ge Ngonn Allah ge njesingamong yee bba ge kan Ndilmeenda.

—Romainje 1:4

Arje mee si do ro si'g lem, aaje do badkosoje ge Ndilmeenda unda si ge njekaa do deeje lé, qe mba kar si ulje Eglise le Mbaidombajie ge yeen ôga qe mesee lé lem to.

—Néranjekainkulaje 20:28

Apocalypse 1:5a qe 8

Qe kan Jesu Kristi . . . Ma m'to Alpha lem qe Oméga lem to. Allah Mbaidombaije pa bèe. Ma m'to yeen ge shi genn qe shi qe dotar lé, qe shi ree lem to. Ma m'to bao-singamong ya.

Colossienje 1:13-16

Yeen wa ci ogedo or ci ji singamong kan loondul ge ndul njudu-njudu ge deb do ci'g rigim; yeen odo ci om ci bbekon'g le Ngonnee ge to ngonnkemee lé, to yeen ge ôga do ci or ne kaiya do ci'g. Yeen or ro Allah ge njedumkoo lé khemba, yeen nja to ge dongor bba nékundaje le Allah lai to kenneng bei; mbata

bôo-néje ge dara qe nang nee lai, yeen nja bba ge njekunda dee lem, néje ge kem koo qe néje ge dumkoo lem, kalimbaije lem qe monbbeeje qe deoudolooje lema, qe njekonbbeeje lem to. Yeen nja bba ge njekunda dee lem qe mba kar dee to kean yeen nja dongo dôi.

1 Timothée 15b, 16

Jesu Kristi . . . mbai do njeguburubbeeje lema, qe mbai do mbaije lem to, yeen nja bba a ra Kristi lé ge raga. Yeen nja kara ba kiao bba ge njeshiqenean . . . maji killa ribbar dea'g lem, maji karee dum do loo qe lebee lebee saar-saar qe non lem to.

12 KRISTI TO NJEDUM DO LOO NAN'D QE BAUBEE

Hébreuje 1:3

Yeen to bao-ronduba le Allah lem, qe njekor rea lem to. Tapea ge bbar min lé yeen ged ne né-kundaje lea ged-ged. Loo ge yeen or wenn kaiya ge wa nang nee ndaà, yeen od shi do jikol Njerkunda ge njendubaro ge shi sèm dara'g.

Ephèsekang 1:19-22a

Mba kar si ooje . . . singamong lea ge dum do loo ge to kan Allah ya, yeen ôré ne maree le cijeen ge j'om mee ci dea'g lé mès lem to. Kristi lé killa singamong le Allah ge rara loo ge Allah aree teen dann nje ge d'wei'g lem, aree shi do jokolee'g

dara do deoudolooje qe ri dee ri dee lem qe do deou-mareeje qe ri dee ri dee lem, qe do singamongje qe ri dee ri dee lem to; deen ge d'ishi genn wel neelé qe kar'dee el, nê deen ge d'a qe ree bei lem to. Yeen ôré néje lai qe ginn golee mès lem. . . .

Jean 10:30 qe 38

Ma jeen qe Baum lé jeen n'to ge kara ba bèe. . . . Nê boo lee ma m'ra dee bba sein ooje loo komje mee si dom'g el ndaà kârâ, omje mee si do néraje ge maji ge ma m'ra lé; togebè bba sein a gerje to ge Baudeouje lé shi meem'g lem, ma kârâ m'to méeen'g lem to.

*Yeen to njedum do loo mbata
yeen to ge Allah*

1 Jean 5:7

Deen mutta to ge njekorgoo tareeje; Ndil lem, qe mann lema qe mes lem to. Ta le dee ge mutta lé to ge nan'd kara ba ya.

Néranjekainkulaje 5:3-5

Yenn nga Pierre dejee pana: Gelee ge ban bba Cheitan taa mee pel-pel ar i ula ne Ndilmeenda tangom, ar i kai ne tâ lar ndö lei wes ba bba ree ne bée wa. Boo lee i ndogo el kârâ see a to ge kain kar i ra ne né ge mee woji el wa. See ddi bba uru meein'g bba ari ra ne né ge toge-

bè wa. Allah bba i ula tangom bóo to ge deouje el.

*Yeen taa mee deen ge d'un
meen dee, ar dee pata qe kem
ngonn dingam*

Néranjekainkulaje 4:31

Loo ge deen ra tamaji neelé mban ndaà, kei yë ula déré-déréré, Ndilmeeenda taa meen dee pel-pel, ar dee d'or ta le Allah qe kem ngonndingam.

*Yeen ar deouje d'unda nan dann
kem nan'g qe meenoji le Allah lé*

Romainje 5:5

Meekundayel lé a kod ci rom el, mbata mbol do Ndilmeeenda ge Allah ar ci lé meenoji le Allah rôso ne mee ci njin-njin.

Romainje 7:25

Yee ge bée bba, yeen askem kaji dee ne, deen ge mbol dea bba deen rem ne per ge ro Allah'g, a kaji dee ne kor njal, mbata yeen to njeshikhemb saar saar qe non mba ra reouta le dee-deen kar dee ya.

Jude 24

Yeen askem lam si loo koso ge rara kârâ lem qe yeen ge askem teen se si qe ro si ge àr ngatngat kar si aarje ne qe rolel dann ronduba'g lea lé lem to.

. . . Mbata yeen ge m'om meem dea'g lé, m'geree gao, yee bba am m'unda ne meem yel ge

dea'g, mbata yeen askem ngem né ge m'yan jia'g lé saar ge ndo ge bôô'g. — 2 Timothée 1:12b

Allah askem kar nékinga ge qe ria-ria taa ro si pel-pel, mba kar si shije qe né ge lal si lem, qe mba kar gesee ge nai ro si'g pajag-pajag lé a kwaje ne noji qe léee-léee. — 2 Corinthienje 9:8

Abraham . . . meekunn lea os do maree ge ketté-ketté, aree ula ne ronduba do Allah'g lem to. Méee to yel do né ge Allah unn dia mba karee, mbata yeen ger gao Allah lé askem tol tâ mee-kunn lea lé bém ya.

— Romainje 4:16c qe 20, 21

Philippienje 3:21b

. . . Yeen ge to qe goo singa-mong lea ge yeen dum ne do néje lai lé to.

Daniel 4:37

Bacinè, ma Nebucatnetsar, m'piti, m'os gaji, m'ula ronduba do mbai do daraje'g; kula reaje lai to qe goo rebee ya lem, reouje lea to dannasur lema, deen ge njaa ti ne ro dee lé kârâ yeen askem bbugu dee nang lem to.

Daniel 3:17 qe 26a, 27b

Aa oo, Allah le ci ge jeen n'to kuraje lea lé askem kor ci mee bwa ge per on kenneng bilim-bilim lé kom ci tar ya, tobei yeen

a kor ci jii mbai ge njegelbbe'e'g ya to. Géee ge gogo Nebucadne-tsar rem per ge tâ bwa ge per on kenneng bilim-bilim ndaà yeen pa ta pana: Shadrac, Méschac, qe Abed-Nego, sein kuraje le Allah ge Njedumdoloo lé, undaje loo teenje ge raga nee! . . . d'oo to ge per neelé ra né kara kârâ ro deouje ge neelé el lem, yinga do dee kârâ per unda aree gondero el lem . . . bain per ya kârâ end ro dee'g el lem to.

Hébreuje 2:18

Bèe ndaà, yeen ge dum do néker ge a qe keree dann néurti'g lé, yeen nja bba askem la qe deen ge nai dann néker'g bei.

Maktub ge to qe kemee lé,
 i ndoo qe kasi ba; maktub neelé
 askem kar kemi injá do kaji'g
 qe goo meekunn lei ginn Jesu
 Kristi'g. —2 Timothée 3:15

Yeen ge askem ra néje lai kar
 ci, karee dum do né ge jeen lanji
 tôree mee ci'g n'dejee ne qe goo
 singamong ge yeen ula mee ci'g
 lé, maji karee nduba rea ge raga
 mee Eglise'g lem qe ro Jesu Kris-
 ti'g lem to, ar ngaka deouje-
 deouje qe lebee-lebee saar-saar
 qe non. —Ephésienje 3:20, 21

Bacinè lé m'om si ji Allah'g
 lem, qe m'om si tâ noji ge yeen
 unn ne ndia qe mba kar si lé

lem to. Yeen nya bba askem rod
 si mba kar si ingaje nénoji le si
 qe njemeendaje nan'd lai.

—Nèranjekainkulaje 20:32

Ma m'pa gol kara bei: See
 Allah unda deouje lea bbad wa.
 Wah! bëe el! Ma nya kârâ m'to
 ge Israël to, m'to ge ginnka
 Abraham'g lem, m'to ge ginnkoji
 le Benjamin to . . . deen ge yeen
 tuga dee lé, boo lee deen d'wa
 gam ro dee do meekosngwoin'g
 le dee el ndaà, Allah a tel se
 dee kodé kem kagbbee kula dee
 kenneng bei; mbata singamong
 le Allah askem kula dee kenneng
 gogo bei to. —Romainje 11:1 qe 23

SINGAMONG LE KRISTI MBA KAR MÉEEN 17

OSO LEMSÉ DO KAIYA'G

NJESHIQENEAN, Mbaidombaije, boo lee ar meeî ôlé do néra ge kôri-kôri'g le deouje ndaà, see na bba a nai ne bei wa. Nê i nja loo kor kaiya mee deouje'g to mbori'g deb; bëe bba d'a ted kagi ya.

—Psaume 130:3, 4

M'a kar si gerje to ge Ngonn-deou lé askem kor kaiya do deouje ge do nang nee. Yenn bba, yeen tel ula deou ge deb rea wei wö lé pana: Ma nja m'unн ndum m'ari, inta bóo qe unn tira tooi od aou ne kei lei. Leegeneeya, deou neelé inta unn nétéeod aou ne raga kem dee'g tesere ndaà,

kaar dee wa dee pain, deen tel piti Allah. —Marc 2:10-12a

Nana bba ge illa ta do Ngonn-deou'g lé ndaà, Allah a koo loo mba kar méee ti mbiti do'g bei to —Luc 12:10a

Boo lee koso-deouje lem ge d'unн rim do dee'g d'oso kul lem, ra tamaji lem, sangm lema, qe d'uba goo reouje le dee ge majel d'yan lem to ndaà, m'a killa dee kenneng mee daraje'g tar lem, m'a kar meem oso lemsé do kaiya ra dee'g lema, m'a kaji bbee le dee lem to.

—2 Chroniques 7:14

SINGAMONG LE KRISTI MBA GOL KANKEMRO DEOUJE

Boo lee deou om nan'd qe Kristi ndaà, yeen to deoukunda le Allah ge cigi ya. Bbuga néje ge leou lé sané kad mban, aa ooje, néje lai tel to né ge cigi ya.

—2 Corinthienje 5:17

Jeen ge j'ishi khemba lé d'om ci tâ yoo'g ta-ta mbata le Jesu; daro ci ge unda nang lé bba, kaou khemba le Jesu a to ne raga ndegese. —2 Corinthienje 4:11

Mba kar loo ge kaiya on bbee do deouje'g lai ar dee d'wei ne ndaà, noji ge ar dee d'ishi ge njemeekarabasurje lé, a taa bbee rima-rima to, kar dee d'ishi ne qe khem ge qe non lé ginn Jesu

Kristi Mbaidombaije'g le ci lé to.
—Romainje 5:21

Yee bba, yeen to ne deou ge maji ngorong, tum ne ginn kaji ge a to qe non. Deen ge d'illa ngonnnkoji dea'g d'a kaji ne.

—Hébreuje 5:9

Yeen ge njebbogo lé yeen bbo-go dee lem, tinja gwos dee lema, busu dee lem to, bba yeen ree qe mbea. Ree ge m'ree neelé, badje d'a shi qe khem . . . d'a shi dann nékulro dee'g to. — Jean 10:10

Deou ge rara bba shi khemba unda méee dom'g ndaà kârâ, yoo a bbar ria ndan el. See i om mee do ta ge neelé wa. — Jean 11:26

SINGAMONG LE KRISTI MBA KOR ROKON 19 RO DEOUJE'G

Luc 8:43, 44

Denné kara bée aou se dee kenneng, to denné ge mes tal méeen'g saar-saar as lebee dog-gire-joo nga, yeen jog rea ro njekumanje'g bula, sané ne néje lea kô lai, nê njekuman ge rara kârâ askem kajee el. Yeen teen gir Jesu'g ula jia örö ne tâ kubu lea ndaà, leegeneeya mes ge tal méeen'g lé ginnee gang ngaji.

Marc 6:56

Loo ge rara ge yeen teen kenneng lé, to ge bbeekogo esé bbee-bôo esé bbee ge mee kor'g kârâ, deen d'odo njerokonje d'om dee loo nada rib-rib; deen

randôo rea'g mba karee unn ndia ar dee d'örö ne tâ kubu lea. Deen lai ge d'örö tâ kubu lea lé ndaà, d'aji ne kebere-kebere ya to.

Matthieu 8:16, 17

Loo ge kâr aar do kam'g ler ndaà, deen d'odo nje ge ndilje ge majel ra dee d'uba se dee yao-yao. Jesu pa ta qe ndia ya tuba ne ndilje ge majel meen dee'g; yeen aji njerokonje lai to. Togebè bba ta ge njetegginnta Esaïe pa leou lé aou lée'e'g bé-réré mbata yeen pana: Yeen nja bba odo ro-yooje le ci bbugu dea'g lem, yeen or rokonje le ci om dea'g lem to.

20 SINGAMONG LE KRISTI MBA KOR ROKON GE RARA KÂRÂ

Yeen illa jia dea'g. Tobei lee-geneeya yeen in ndöji rea ra-ndang ge tar aree piti ne Allah to.

—Luc 13:13

Mee kâree ge neelé Jesu aji njerokonje kenneng bula lem, qe yoo-deouje lem, qe deen ge ndilje ge yèr ra dee lema, yeen ar njekemtöje bula kârâ d'oo loo lem to.

—Luc 7:21

Yeen teen bbee ge kara bée ndaà, njebanjiye dog d'in tilla ke-mee. Deen d'aar ngereng. . . . Loo ge yeen oo dee ndaà, yeen ula dee pana: Aouje undaje ro si arje njerasacrificeje d'oo. Nê loo

ge d'od d'ishi d'aou lé ndaà, ban-jî or ro dee'g ndos-ndos.

—Luc 17:12 qe 14

Tobei Jesu od aou mee kei'g le Pierre, os dea ro mem Pierreje ge too do tira-rokon'g; rea taa per bilim-bilim. Jesu wa jia ndaà, leegeneeya rokon lé in dea'g kengeng aree uba nang in tar unda kunda néso dee.

—Matthieu 8:14, 15

Deou kara mbuna dee'g tuga mbi ngonnjekishi le ngö-njera-sacrifice ge dokol lod or. Nê Jesu . . . örö mbi deou neelé ndaà, tel to kari. —Luc 22:50, 51

Matthieu 9:28-30a

Loo ge yeen ree kei mban ndaà, njekemtöje rem per ge rea'g. Jesu dejí dee pana: See ge mee si'g pana: M'askem ra togebè wa. Deen tel d'illá kenneng pana: Oiyo, Mbaidombai-je, i askem ra togebè ya. Tobei yeen örö kem dee pana: Meekunn le si bba a taa né ge sein aouje ndéee lé kar si ya. Leegeneeya kem dee teen. . . .

Matthieu 8:5-7 qe 13

Loo ge Jesu unda do Caper-naüm deb ndaà, bbé-njeröje rem per ge rea'g to tea'g pege-pege

ulá pana: Mbai, ngonnjekishi lem lé, yoondag undá, yeen too kei'n ar rea adee mbag-mbag . . . To-bei Jesu ula bbé-njeröje lé pana: Od aou loo lei, némeekunn lei lé i a kinga bei. Mee kàree ge neelé, rokon in ro ngonnjekishi lea kengeng ya.

Jean 5:5 qe 8, 9

Deou kara shi kenneng ge to njerokon ge leb rokon lea ain ro-munta-gire-jinajoo. Jesu ulá pana: Uba nang intar, unn nétooi njaa. Leegeneeya deou neelé aji kebere, in unn nétée os njaa aou. Ndea neelé to ndo sabbat.

22 ROKON GE RARA KÂRÂ ASKEM DUM DO JESU EL

Jacques 5:14a, 15a

See deou kara mbuna si'g oso qe rokon wa. Maji karee bbar ngatogje ge d'aa do Eglise mba kar dee ra tamaji dea'g . . . tamaji ge d'a ra qe meekunn lé, njerokon a kaji ne, bba Mbaidombaije a kundá kuree tar. . . .

Matthieu 14:36

Deen ra tamaji tea'g qe mba karee ar dee d'wa tâ kubu lea. Deen ge d'wa tâ kubu lea lé ndaà, d'aji ne kebere-kebere ya to.

Luc 6:17b-19

Deen ree kenneng . . . qe mba kar rokonje le dee kârâ or ro dee'g lem to. Deen ge ndilje ge

yèr d'ula kem dee ndôo lé kârâ d'aji kebere-kebere ya. Bôodeouje lai-lai neelé sang loo qe mba körö rea qe ji dee peb-peb ya, mbata singamong teen rea'g uru ro dee'g ndaà, aji dee lai-lai ya to.

Matthieu 15:30; 19:2

Deoubulaje rem per ge rea'g, deen ree qe njemedje lem, qe njekemtöje lem, qe njegwoskuduje lem, qe deen ge deb ro dee wei wö-wö lema, qe njerokonje ge qe ria-ria lem to, d'odo dee d'om dee nang gol Jesu'g rib-rib bba yeen aji dee bei to. . . . Deoubulaje ndom nan gée'e'g, tobei yeen or rokon ro dee'g to.

SINGAMONG LE KRISTI MBA TUBA NE NDILJE GE YÈR

23

Matthieu 17:18a

Jesu wa tâ ndil ge yèr neelé
aree teen mee ngonn'g.

Luc 4:41

Ndilje ge yèr d'unda loo teen
mee deouje'g bula qe kii tâ dee'g
wel-wel pana: I to Ngonn Allah
lé nja. Yeen os tâ dee'g reou, og
dee loo pea'g mbata deen ger
gao yeen to Kristi lé nja.

Matthieu 8:28-32a

Loo ge yeen teen gir baa ge
kel tura do nang'd le Gadaré-
nienje ndaà, deouje joo ge ndilje
ge yèr ra dee lé, teen dobbar ge
to mbuna mbalje'g tilla kemee.
Léee neelé deouje bbel teen

kenneng mbata njendilje ge yèr
lé ndang ro dee pain-pain. Deen
ra né bbegege-bbegege pana: I
Ngonn Allah lé see ddi lei bba
to ro ci'g wa; see i ree mba kula
kem ci ndôo ketté yal bba kar
ndeá teen bei wa. Berkosoje d'aar
ngereng d'aar d'on mu. Ndilje
randôo ro Jesu'g pana: Boo lee i
a qe tuba ci ndaà, ula ci ar ci
n'teen j'om mee berje'g neelé.
Yeen ula dee pana: Teenje aouje!

Tobei deou ge ndil ge majel
rea ar kemee tö lem, qe gwosee
udu lem to, d'aou sea ro Jesu'g.
Jesu ajee aree pata lem, aree oo
loo lem to. — Matthieu 12:22

SINGAMONG LE KRISTI MBA TEEN QE DEOUJE LOO YOO

Luc 7:14, 15

Yeen ree per ge tâ tira-yoo'g lé örö qe jia. Deen ge njekodeeje lé rem d'os gol dee d'aar nang to. Yenn nga Jesu ulá pana: Ngonn basa, ma nja m'unн ndum m'ari, uba nang inta ya! Yoo lé uba nang in shi tar pata. Yenn nga Jesu wá ulá ji keanje'g.

Jean 11:25 qe 43, 44

Jesu ulá pana: Ma lé m'to ge njekar deouje teen dokumbwa'g lem, ma m'to ge njekula kheme lé meen dee'g lem to. Nana bba ge om méee dom'g lee wei ge kwei kârâ a tel shi khemba ya.... Loo ge yeen pata neelé mban

ndaá, yeen pata qe ndia ge boi wel pana: Lazare, unda loo teen raga! Yeen ge wei lé unda loo teen qe kubu ge deen kë ne golee qe jia qe yee ge d'onn ne kemeeje lé bura mongongo to. Jesu ula dee pana: Tudeeje yánje areeje od aou.

Luc 8:49b qe 54, 55a

Ngonni ge denné lé wei mban ndan bóo os mbai lé tar bboin-bboin el nga.... Jesu unn ji ngonn lé wá, illa bôo-ndia nang ulá ne pana: Ngonnm, uba nang intar. Yenn nga ndil ngonn lé tel rée rea'g leegeneeya aree uba nang intar....

ALLAH UNN NDIA AR CI PANA: DEOUJE 25 D'A TEEN LOO YOO

Jean 5:25

Ma m'ula si tesere, kàr kar
nje ge d'wei d'oo ndu Ngonn
Allah ge a qe teen lé, teen mban
to. Deen ge d'oo lé d'a shi qe
khem lé ya.

Jean 6:40

Aa oo, né ge mee Baum woji
lé bba to nee: Nana bba oo
Ngonn neelé om méee dea'g
ndaà, a kishi qe khem qe non lé
lem, m'a karee unda loo teen ndo
ge rudu ge gogo lé lem to.

Nèranjekainkulaje 24:15

M'unda meem yel do Allah'g
to ge deen bée se dee nan'd,
to ge Allah a kar njemeekaraba-

surje lem qe njera nékôri-kôrije
lem to, d'a teen dokumbwa'g qe
kem dee kem dee.

Jean 5:28, 29a

Arje kaar si ndeb do ta ge
neelé el, mbata kàr kar deouje
lai ge to bwa-dobbar'g lé d'oo
ndia ndaà, d'a teen ya to. . . .

1 Thessalonicienje 4:16

Mbata Mbaidombaije nja bba
a kwoji léee. Ndu kan mbai le
kuraje ge dara a bbar wel; yeen
a kula dee kar tonton le Allah
a bbar kor loo loi-loi to ndaà,
yeen a kin dara qe mba ree nga.
Deen ge d'wei ginn Kristi'g lé,
d'a teen ketté. . . .

26 SINGAMONG LE KRISTI LÉ NGANGEE GOTO

Matthieu 28:18

Jesu ree per ge ro dee'g ula
dee pana: Ma lé, d'ula do mong
dom'g mba karm m'to deou do
néje lai dara qe do nang nee to.

Romainje 1:20

Néje ge maji kor ngorong le
Allah ge dumkoo lem, qe singa-
mong lea ge to qe non lema,
qe rokunda lea ge yeen unda lem
to, inji kem deouje'g tesere, ndo
tum gel nang saar bacinè, mbata
néreaje lai or ginnee njai ar dee
d'oo. Bèe ndaà, loo kunda goso
le deouje goto nga.

1 Pierre 3:22

Yeen nja in aou dara mban,
shi do jikol Allah'g; yeen to deou

do kuraje ge dara lem, qe do
deoudolooje lema, qe mbai do
njesingamongje ge d'ula do dee
d'aree lem to.

Apocalypse 3:7b

Aa oo, tapa Njemeenda qe
Kankemdeou lem to, yeen ge
clef le David to jia'g: yeen or
târeou ndaà, deou kara kârâ
askem kudu el lem, yeen udu
reou ndaà, deou kara kârâ askem
kor el lem to.

2 Pierre 1:3b

. . . Mbol do singamong lea
ge kan Allah nja, j'a kinga ne
néje lai ge j'aou ndôo dee qe
mba kishi ne khem lem, qe mee
ci nda london lem to.

Mba ger ne néje lai lai

Matthieu 17:21

Nê jeen j'a killa dee kag el.
Bèe ndaà, od aou tâ baa-bô'o'g
illa ki bba kanji ge unn ki qe
dotar ya ndaà, wá ndoree illá
ddaga, njian tea ndaà, a kinga
lar ge nda kenneng kara ndaà,
unn ar dee mbata lem ma lem,
qe mba i lem joo bör ya.

Jean 2:25

Togebè bba yeen aou ndôo
njekorgoota le deou kara kârâ el;
mbata yeen ger né ge to mee
deouje'g gao.

Mba kar deouje 5000 on muru

Matthieu 14:17-21

Deen tel d'illá kenneng pana:

Pil muru mi qe kanjije joo ba
to ji ci'g nee. Yeen ula dee pana:
Amje ge nee. Yeen ar deoubulaje
neelé d'unda nang do mu'g mbu-
rug, yeen odo pil muru ge mi
lem, qe kanjije joo lem to ndaà,
yeen unn kemee ge tar ra ne
Allah merci. Géee ge gogo yeen
odo pil muru ted danna ar nje-
kwakilláje mba kar dee kai deou-
bulaje neelé. Deen lai d'on d'ar
meen dee ndann tub-tub. D'yan
gesee nang d'ar dee mbon budu
dog-gire-joo. Deen ge d'on muru
neelé d'ain deouje tol-dog-loo-mi.
Deen tura dingamje ya dongo,
lal tura dennéje qe ngannie. . . .

28 SINGAMONG LE KRISTI LÉ NGANGEE GOTO

Mba njaa do mann

Matthieu 14:25

Gel bagbé ndaà, Jesu in aou
ge ro dee'g yeen njaa do mann
bélm ge non tar mbiaon-mbiaon.

Mba kog ndi karee er el
Apocalypse 11:6a

Singa dee as kudu loo-kil-le-ndi
kar ndi er el ndea ge teg ne
ginnta lé saar lem....

*Mba ndang lel qe mann baa-bôô
kar loo to nding*
Matthieu 8:26

Yeen ula dee pana: Ban bba
bbelje wa, sein njemeekunnje ge
ein el. Tobei yeen uba nang inta
ndang lel lem qe mann baa-bôô
lem to, ar loo to nding.

*Mba teen do deouje loo ge d'udu
tâkeije do dee'g*

Jean 20:26

Ndo jinaijoo gogo lé, njekwa-
killia Jesu-je tel d'wa do nan
mee kei'g gogo tobei, nê Thomas
lé shi se ddee nan'd nga, d'udu
tâkeije do dee'g, Jesu teen do
dee'g tesere, ula dee pana: Shije
qe meelom.

*Mba kar nang nee qe néje lai ge
to kenneng lé d'wa nan kon-kon*
Colossienje 1:16b, 17

Yeen nja bba ge njekunda dee
lem qe mba kar dee to kean yeen
nja dongo dôi. Yeen to ge dongor
le néje lai; mbol dea bba néje lai
wa ne nan kon-kon.

Romainje 8:11

Boo lee Ndil yeen ge njeteen
qe Jesu Kristi dann nje ge d'wei'g
lé, to mee si'g ndaà, yeen ge
njeteen qe Jesu Kristi dann
nje ge d'wei'g lé a kaji daro si
ge njekunda nang lé qe goo
Ndilee ge ra bbee mee si'g.

Apocalypse 1:18a

Ma m'to njeshikhemba. M'wei
ketté mban, nê aa oo, m'ishi
khemba qe lebm-lebm qe non.

Sein deouje lai ge do nang
neelé, arje ndu rolel le si bbar
wel ge ro Allah'g. Osje pa arje
ria bbar ne or ne loo loi-loi lem,
osje gajee qe pa pitije le si lé
lem to. Ulaje Allah lé pajena:

Néraije lé to bbel kedm-kedm,
njebanje lei kârâ d'os gajii mbata
néraiye lé teg ginn singamong lei
ya. Deen ge do nang nee lai lé
d'unda barmba deb kem dee nang
noin'g, d'os pa d'ula ne ronduba
doi'g, pa ge woji do rii bba d'os
ya. Enji oo bba. —Psaume 66:1-4

Mbata jeen n'ger gao Kristi
ge teen dann deouje ge d'wei'g
lé, a tel kwei gogo el lem, yoo
kârâ a bbar ria gogo el nga lem
to.

— Romainje 6:9

Singamong loo bbeekon'g lea

1 Corinthienje 4:20

Bbeekon le Allah lé to ta ge
kan kôré ge kenn el, nê to né
singamong ge ged ya.

30 SINGAMONG LE KRISTI LÉ NGANGEE GOTO

Do néje lai ge aou khemba

Jean 17:2

Qe goo domong ge i ula do Ngonni'g aree to ne deou do deouje lai-lai lé, togebè bba deen lai ge i om dee jia'g lé a kar dee d'ishi qe khem qe non lé to.

Loo ge yeen wei lé nang yë

Matthieu 27:50 qe 51b

Tobei Jesu illa bôo-ndia nang non wel gol kara bei bba ar ndilee teen aou . . . nang kârâ yë. . . .

Yeen askem teen kemee'd

Jean 10:17, 18

Gelee ge nee bba Baum undam ne dann kemee'g, mbata m'yan rom m'ar yoo qe mba teen kemee'g njorong. Deou kara kârâ

askem karm wei el, ma nja m'yan rom m'ar yoo qe dorom; m'askem kyán kar dee lem m'askem teen kemee'd lem to.

Rea tel wagsa kem dee'g ar ngoonean qe kwoji kemee ndoin wor-wor asena qe kàr lem, kubuje lea kârâ tel nda or jol-jol lem to.

— Matthieu 17:2

Yeen a kin dara tel qe singamong lem qe ronduba lem to

Jesu tel illá kenneng pana: Yee nja pa kenn mban. Ma m'ula si tesere ya, ndo ge rang sein a kooje Ngonn-deou lé shi do jikol singamong'g le Allah lem, qe loo kin ge a kin dara ree dann mum'g lé lem to.

— Matthieu 26:64

Mba kar méee ti mbiti do kaiya'g

Matthieu 9:6

Bèe ndaà, m'a kar si ooje,
Ngonn-deou lé singamong lea as
kor kaiya do deouje ge do nang
nee. (Tobei yeen tel ula deou ge
deb rea wei lé) pana: Inta unn
twa lei aou bbee.

Mba kôga do deouje

Luc 24:47

Ta kwa ndôo ro do kaiya'g ge
d'a kor ne kaiya do dee'g lé, d'a
killa mbéree qe ria kar ginnkoji
deouje-deouje ya, nê Jérusalem
bba d'a kunn kudee kenneng to.
Mba karm tel to njekunn banga

2 Timothée 4:18a

Mbaidombaije bba ge njekorm

dann néje ge majel ge qe ria-ria
lai. Yeen nya bba ajim mba
karm m'ishi ne bbeekon ge lea
ge dara lé. . . .

*Mba kar deouje d'ishi qe khem
ge qe non*

Jean 10:27, 28a

Badje lem lé d'oo ndum lem,
ma m'ger dee gao lema, deen
kârâ d'om nan goom'g ya lem to.
M'ar dee d'ishi qe khem lé saar-
saar qe non. . . .

Mba ngem ci reou kajî'g

1 Corinthienje 2:5

*Mba kar meekunn le si a ndu-
na rea kaar singamong'g le Allah
bóo kaar kemkàr'g le deouje el.*

Gelee ge nee bba, Allah ya unnee ne lad, undá ne dangdo, unda ria ge uru do rije'g lai. Ri Jesu lé, deouje ge d'ishi mee da-ra'g lem, qe deen ge d'ishi do nang nee lema, qe deen ge d'ishi ginn nang'g lem to, d'a rem qe non keji dee yem ge nean'g ya....

— Philippienje 2:9, 10a

Jean 14:13a

Né ge rara ge sein a kwoiyeeje qe rim ndaà, m'a ra néee ya....

Marc 9:38b, 39

. . . Mbai, jeen j'oo deou kara ge bbar rii bba tuba ne ndilje ge yèr; jeen j'ogee do'g mbata yeen unn reou goo cijeen'g el. Jesu tel

illá kenneng pana: Ogeeje do nérea'g lé el; mbata deou ge rara bba ge bbar rim bba ra ne né-mori ndaà, yeen a kaskem kin ge léege ge bbar rim yèr bëe el ya to.

Nê ta néje neelé deen ndang kenneng qe mba kar si omje ne mee si do Jesu to ge yeen to Kristi, Ngonn Allah lé to; boo lee sein omje mee si dea'g ndaà, mbol do ria bba sein a shije ne qe khem lé to. — Jean 20:31

M'ulai qe ri Jesu Kristi ge Nazareth, uba nang inta njaa! Tobei Pierre wa jikolee unnee uree tar. Leegeneeya gol dingam neelé qe kwojingonn golee ngeng.

— Néranjekainkulaje 3:6b, 7

SINGAMONG LE MES KRISTI YEEN GÉ TO ALLAH LÉ

33

Mesee yee nja bba, jeen ge j'om sea nan'd lé j'inga ne né-koga do ci ge j'or ne kaiya do ci'g. Yee bba ge bôo-noji ge Allah om do ci'g yol-yol.

—Ephesienje 1:7

Kobo neelé to ge némânnro ge cigi ge ma mânn ne rom qe mesm m'aree ula do nang nee mbata le si.

—Luc 22:20b

Mes Ngonnbad lé bba deen dumee ne, ginnta ge deen d'or njai bba deen dumee ne to. . .

—Apocalypse 12:11a

Allah ge njeyelkô meelom, ge teen qe Mbai Jesu bbé-njekulbad-

je mbuna nje ge d'wei'g lé, qe goo mes mânnro ge to njang qe non; maji karee gol si qe mba kar si raje né ge maji ge qe raria, tolje ne ta tôrndia bém. Togebè bba, mbol do Jesu Kristi lé yeen a gol ne mee si kar si taaje ne kemee regm. Ar ci j'ulaje ronduba dea'g qe lebee-lebee saar qe non. Amen!

—Hébreuje 13:20, 21

Boo lee jeen njaa dann kàrá to ge yeen nja nai dann kàrá lé ndaà, jeen j'om mee ci sea nan'd sad ya; bèe bba mes Jesu Ngonnee or ne wenn kaiyaje le ci bben-dere-bbendere lem to. —1 Jean 1:7

Deen pata qe ndu dee ge boi wel pana: Ngonnbad ge d'inja ge mes lé, yeen nja askem kinga domong lem qe bao-nékinga lem qe bao-kemkàr lem, qe singamong qe tog-mbang lem, qe ribbar lem qe ronduba lema, qe dokaisegere lem to. —Apocalypse 5:12

Sein toje ginnkoji deouje ge Allah mber si lem, sein toje njer-sacrificeje ge ginnkoji si to ge mbai lem, sein toje kô deouje ge Allah mber dee unda dee qe kemee lema, sein toje kan Allah nja dongo dôi lem to, mba killa ne ribbar do yeen ge or si dann loondul ge ndul njudu-njudu'g

unda si dann lookà'r'g lea ge àr rang-rang. — 1 Pierre 2:9

Osje pa arje Njeshiqenean ge shi Sion'g lé; néreaje ge dum loo lé illaje mbéree mbuna bôo-deouje'g. —Psaume 9:12

Sein ge bbelje ndil Njeshiqenean lé piteeje. — Psaume 22:24

Ei Allah, bôo-deouje lé pitii, bôo-deouje lai d'os gajii ya. Nang lé kinja qe nésoje bbagesa ya. Allah ge to Allah le ci lé, yeen tor ndia do ci'g ya to. Allah lé tor ndia do ci'g; maji kar deouje lai-lai ge d'ishi rudu nang'd neelé kârâ bbelee ya lem to.

—Psaume 67:6-8

SEE DDI BBA M'A RA MBA KINGA KHEME GE QE NON WA

35

Matthieu 19:16b, 17a qe 17c-19

... Mbai, see né ge maji ge ban bba m'a ra qe mba shi ne qe khem ge qe non wa. Yeen tel illá kenneng pana . . . Boo lee i ndigi kula doi ge loo ge a shi qe khem kenneng lé ndaà, godnduje lé i a tos kemi do'g bao-bao ya. Deou neelé tel illá kenneng pana: See godnduje ge ban bei wa. Tobei Jesu tel ulá pana: Dee bba to nee: I a tol deou el lem; i a ndal modkaiya el lem; i a bbogo el lem, i a gang ta bad-bad qe tangom el lem; i a tedkag baubi qe koin lema i a kunda mari dann

kemi'g to ge daroi bée lem to.

Wa ndôo roi do kaiya'g lei, Om meeî do Jesu, Taa kaji lea

Marc 1:14b, 15

Jesu kârâ aou . . . pana: Rudee unn ddiao mban ndaà, bbeekon le Allah lé shi aou ge nee deb nga, bée ndaà, waje ndôo ro si do kaiya'g le si bóo qe omje mee si do tagemaji'g lé jeb-jeb to.

Jean 1:12

Ne deouje ge rara bba ge d'wa ge ro dee'g d'unda meen dee do ria'g ndaà, yee nja ar dee singa qe mba kar dee tel to ne ngann Allah-je.

KRISTI LÉ TO GE REOU LÉ LEM, QE KANKEMTA LÉ LEMA,

Jean 1:17

Leou lé Moïse ree qe godndu ar si, nê noji qe kankemta neelé Jesu Kristi bba ree ne.

Jean 14:6

Jesu illá'g pana: Ma nja m'to ge reou lé lem, qe kankemta lé lema, qe khem lé lem to. Lee deou ge rara bba ree qe reou ge rom'g el kârâ yeen a teen ro Baum'g el to.

Matthieu 7:13, 14

Târeou ge njon bba andje kenneng; mbata reou ge ain ge loo tuji'g lé tad yaan lem, târeou kârâ to tag bendeng lem to ar deouje bulu d'aou kenneng budu-

REOU LÉ LEM, QE QE KHEM LÉ LEM TO

budu. Reou ge ain ge par ge loo ge deen d'a shi khemba kenneng lé, rebee njon-njon ar tea kârâ uba dee tususu; togebè bba deou-je jebere ba bba to njea-je.

1 Jean 2:22

See na bba ge njengom wa; to yeen ge os Jesu reou pana: Yeen to Kristi rawa. Aa ooje, yeen ge os Baudeouje reou lem qe Ngonnee reou lem to ndaà, yeen nja bba ge njendaji Kristi lé.

Jean 6:51a

Ma lé m'to muru kon ge deou a shi ne qe khem ge in dara; boo lee nana bba ge on muree neelé ndaà, a shi ne khemba qe non ya.

KRISTI KARA BA KIAO BBA GE SINGAMONG 37 LE ALLAH MBA KAJI DEOUJE

Hébreuje 9:24-28

Loo ge to qe kemee ge ji deou
ra ndaji ne kankemee lé. Kristi
ula dea kenneng njum el. Dara
lé bba yeen and kenneng mba
kaar non Allah'g mbata le cijeen.
Ngö-njerasacrifice and loo ge to
qe kemee lé qe mes néje ge rang
gol kara-kara qe lebee-lebee lé,
nê Kristi bba and dara, yan rea
ar Allah gol bula togebè el. Boo
lee to togebé ndaà, nékemndô a
ra Kristi gol bula ndo tum gel
nang nee saar, nê ndo ge rudu
nang nee nai deb ndaà, yeen
unda loo teen mba tuji ne kô
kaiya qe nékôga ge to ge darea

yeen ya. To ge deouje d'wei gol
kara ba bba ndo sariya a teen do
dee'g bei qe goo reou ge Allah
bba woji, nê Kristi lé wei gol
kara ba kiao ge ngangee mba
kodo nékaiyaje le deouje bula;
loo ree lea ge gol joo lé yeen a
ree mba kaji deen ge ngina pé-
réré lé, bóo mba taa kaiya le
dee el nga.

Néranjekainkulaje 4:12

Deou ge rang kara kârâ ge
kaji a kin rea'g lé goto. Boo lee
sein a kaouje rara ginn dara qe
do nang nee mbuna deouje'g lem
kârâ sein a kooje ri deou ge rang
qe mba kunn kaji ne goto.

38 SINGAMONG LE KRISTI MBA KAJI DEOUJE LAI

1 Timothée 1:15

Ta neelé to ta ge ged ya; nana kârâ maji karee taa om méee do'g jeb-jeb, mbata Jesu Kristi ree nang nee mba kaji njekaiyaje, né ma nja m'to ge dongor le dee.

Romainje 1:16a

Togero ya, ma m'ra kemkul do tagemaji'g lé el: mbata yee to singamong le Allah qe mba kaji nana bba ge om méee do'g lé

Jean 4:14

Nê nana bba a kai mann ge m'a karee neelé ndaà, kunda a tolee gogo el nga. Mann ge m'a karee lé a tel to ngira-mann méeen'g ge a kain teen kuji-kuji

ndaà, yeen a shi qe khem qe non lé méeen'g.

Romainje 3:24, 25a

Kôga ge Jesu Kristi ôga do dee lé, yee bba ge noji le Allah ge yeen wa se dee or ne bbang kaiya do dee'g ge kor. Jesu Kristi lé, Allah nja oree undá ne ge nékinjames qe mba kar deen ge d'om meen dee dea'g.

2 Pierre 1:10

Gelee ge bée bba ngakomje, maji kar si ôréje mee si mès-mès do bbar ge deen bbar si lem, qe mber ge deen mber si lem to; mbata boo lee sein a raje togebè ndaà, né a kunn gol si kar si lamje ne ro si el lem to.

KAJI TO NÉ GE GADEE LAM BA LÉ EL, NÉ 39 KAJI TO NÉ GE ALLAH AR DEOUJE GE KAR

Allah ndigi deouje lai-lai do nang nee, unda dee dann kemee'g bba unn Ngonnee ge ged-ged kara ba ulá ar dee mba kar nana bba ge om méee dea'g ndaà, a shi qe khem qe non lé, bóo a kudu ndan el. — Jean 3:16

Noji bba Allah ree ne qe kaji ro deouje'g. Mbai do nang nee lai wei mbata le ci lai

Luc 23:34a qe 46

Jesu pana: Baum, ar mee oso lemsé do dee'g, mbata né ge deen ra lé deen ger rebee el.... Yenn nga Jesu illa bôo-ndia nang ra né wel pana: Baum, m'ula ndilm mee jii'g ya. Loo ge yeen pa

bèe ndaà, tea udu rub ya to.

Ndil lé, qe njengao cigi lé pata pana: Ge ree. Yeen ge oo maji ndaà, aree pa togebè to. Ge ree. Yeen ge kundamann tolee ndaà, maji karee ree taa mann kheme ge ain teen kuji-kuji lé ai, m'a karee ge kar ya, bóo yeen a ndogo el. — Apocalypse 22:17

Ma m'om se dee nan'd sad to ge i om sem nan'd sad bèe to; togebè bba d'a kom nan'd kara ba tétré lem, nje ge nang nee d'a ger dee gao to ge i bba ge njekulam lema, i unda dee dann kemi'g to ge i undam dann kemi'g bèe ya lem to. — Jean 17:23

40 BACINÈ MAJI KARI OSO GEL MBAIDOMBAIJE JESU KRISTI

*Teg ginn kaiya lei wa ndôo roi
do kaiya'g lei*
1 Jean 1:9

Boo lee jeen n'teg ginn kaiya
le ci ge raga ndaà, yeen to nje-
meendalondon qe njemeekaraba-
sur mba kar méee ti mbiti do'g
lem, mba kor wenn néra ge kôri-
kôri le ci bbendere-bbendere lem
to.

Néranjekainkulaje 3:19a

Bèe ndaà, waje ndôo ro si do
kaiya'g le si osje badm telje mba
kar kaiya le si or ndos ndos

Om meeï do Ngonn Allah
1 Jean 5:11

Aa ooje, ta ge yeen teg ginnee

lé bba to nee ya: Allah nya ar ci
khem ge qe non lé. Khem ge qe
non lé to ge bbee le Ngonnee ya.

Jean 3:36

Yeen ge om méee do Ngonn-
ee'g lé, shi qe khem qe non lé
mban; nê yeen ge mbat kom
méee do Ngonnee'g lé saar ndaà,
yeen a koo loo ge a kishi qe
khem lé qe kemee el. Nê ong le
Allah a nai dea'g ya.

Romainje 6:13a

Yanje deb ro si arje kaiya qe
mba kar dee tel to gel nékulaje
le néra ge ndöji pödödö el . . .
unnje ro si bura arje Allah. . . .

SINGAMONG LE ALLAH RO KANKEM NJETAAMEE-KRISTI-JE'G

41

Meenoji a taa tôr bbel

2 Timothée 1:7

Ndil ge Allah ar ci lé, to kan singamong lem qe to kan meenoji lema qe kan kemkàr lem to, bôo to kan bbel el.

1 Jean 4:18a

Meenoji lé bbel goto léee'g; meenoji ge or do lé sané bbel kad mbata bon néra deou ge a qe kos tea'g lé bba aree bbel ne.

Galateje 5:22, 23

Kand né ge kan Ndil lé bba to nee ya: Meenoji lem, qe rolel lem, qe meekullom lem, qe mee-kai sam-sam lem, qe to ge deounoji lem, qe meemaji lem, qe to

ge ngonkoji lem, qe kaou yuru-ru lema, qe kunda kemkàr-doro'g lem to lé, godndu lé a kos néje neelé reou ndan bée el.

Romainje 8:35 qe 37

Meenoji le Kristi lé ge kula kum ci nan'd lé, see na bba ge njegangee wa. See némeekon, esé néurti, esé nékemndôo, esé bboo, esé kaou kudu dum, esé néyooje ge d'ain do ci sub, esé kiambas, see néje ge togebè bba d'askem gang kula meenoji lé wa... mbol do yeen ge njekunda ci dann ke-mee'g lé, néje neelé lai ge ra ci lé, qe ges néje ge rang bei kârâ, jeen dum dee ne qe lélé ba.

SINGAMONG LE ALLAH RO KANKEM NJETAAMEE-KRISTI-JE'G

*Allah a tos kemee doi'g, i a shi
qe kar'i el*

Hébreuje 13:5

Lar ge sein ndigije lé raje bber-
ee el; arje mee si oso lemsé do
né ge to ji si'g, mbata Allah nya
pana: M'a kubai kyan i ndan el
lem, m'a kor kyan i el ya lem to.

*Meekullom a taa tôr meekon
Jean 14:27*

M'yan si qe meekullom, nê
meekullom lem ya m'ar si, bóo
kan nang nee bba m'ar si el. Arje
mee si pelé wes-wes dom'g el
lem, arje singasa wa si el lem to.

Takenji ge kan Ndil lé, yel kô

kheme lé lem qe kô meelom lem
to.

—Romainje 8:6

Jeen lé meekunn le ci bba,
j'ishi ne ge njemeekarabasurje
non Allah'g. Mbaidombaije Jesu
Kristi lé bba om ci nan'd qe
Allah.

— Romainje 5:1

Kankem nébao bóo kemkein el

Aa ooje, ngakomje ge m'unda
si dann kem'g, Allah or kem
deen ge to ge njendôoje kem
deouje ge nang nee, mba kar dee
to ge bao-meekunnje lem, mba
kar bbeekon ge yeen unn ndia
mba kar deen ge d'undá dann
kem dee'g lé, d'a to njea-je ya
lem to.

— Jacques 2:5

SINGAMONG LE ALLAH RO KANKEM NJETAAMEE-KRISTI-JE'G

43

*Meei a nda london, a taa tôr
meeyèr*

Togebè bba, sein illaje koji do kankemta'g lé, kankemro si àr ne rang-rang; bée ndaà, maji kar si undaje nan dann kem nan'g ndigije nan qe meekor jol-jol.

—1 Pierre 1:22

Rolel le Allah a taa tôr kemndôo

Allah ge sein undaje mee si yel ge dea'g lé, maji karee ar si shije dann nérolel'g qe ria-ria lem, qe dann némeelom'g qe ria-ria lem to. —Romainje 15:13a

Ma m'pa ta néje neelé m'ar

si qe mba kar rolel lem nai ne mee si'g bóo qe kar do rolel le si or ne njal to. —Jean 15:11

Sein kârâ bacinè lé sein shije dann nékemndôo'g to; nê loo ge m'a koo si ndaà, ro si a lel tobei deou kara kârâ a kor rolel le si el to. —Jean 16:22

*Meei a koso nang pon, kaar-ged
a goto*

Ma m'ndang ta néje neelé m'ar si sein ge omje mee si do Ngonn Allah'g lé mba kar si gerje gao, khem ge qe non lé sein toje njea-je-je mban to. —1 Jean 5:13

SINGAMONG LE ALLAH RO KANKEM NJETAAMEE-KRISTI-JE'G

Singamong a taa tôr rem lei

Ngakomje, namje kaar Mbaidombaije'g le si taaje ne singamong lea ge dum do loo ôréje ne maree le si. — Ephesienje 6:10

*Meei a to yel, i a main qe roi el
Tite 2:13*

J'a ra bée-bée ngina ne ndubaró le Allah ge to deou ge bôlé lem, qe Jesu Kristi njekaji ci lé lem to. Yee bba ge nérolel ge j'unda mee ci yel ge do'g ya.

Hébreuje 6:18, 19

Ndu ge gel joo neelé ge to njang lé, Allah a koo loo mba pel ta do'g el, jeen nja j'inga ta ge ula dingam mee ci'g jugugu-

jugugu; jeen lé n'taa ta neelé sagm j'unda ne mee ci yel do'g lé, to asena qe ringi-tô ge kedere kao-kao ge kankemro ci n'rèn kenneng rèn-rèn; yee bba jeen j'woin ne mbuna kubu ge a teen se ci njal mee keimbaï'g.

*I a ra né qe meenda bôo a ker
kem mari el*

Njaaje ge maji dann njetar-Allah-je'g, mba kar deen ge d'oo si ge njeramajelje d'im si ne lé ndaà, d'a koo néra maji le si, kula ne ronduba do Allah'g, ndea ge kem dee a kinja dea'g kar dee d'éee ne ge deou ge kemee oso do dee'g. — 1 Pierre 2:12

SINGAMONG LE ALLAH RO KANKEM NJETAAMEE-KRISTI-JE'G

45

I a kunn banga, né a dumi el
1 Jean 5:4

Yeen ge rara ge Allah ojee lé
ndaà, a dum do loo ge nang nee;
meekunn le ci bba j'a dum ne loo
ge nang nee, kunn ne banga.

Apocalypse 15:2

Tobei ma m'oo . . . deen ge dum
da qe néndaji rea lem, qe nu-
méro ge kan ria lem lé, deen
d'aar do tadmann ge neelé, kun-
du-kondé to ji dee'g.

I a kaou ketté-kette

Hébreuje 6:1

Togebè ya, j'yan néndoo ge
dotar ge woji do ta le Kristi,

j'aou ne ge ketté-ketté mba kar
néndoo le ci or ne do ngorong.
Ta ge woji do kyan goo néra ci
ge leou ge unda nang ndes lem,
qe do meekunn ge jeen j'unн
j'ar Allah lem . . . ta neelé j'a
tum gelee gol joo el.

1 Pierre 2:2

To ge ngur kil mbâ ra ngannje
ge kas ngwod-ngwod lé, maji kar
ngur kankemta ra si togebè to.

I a tel to ge Kristi ya

1 Jean 2:6

Yeen ge pana: Neen nai sea
ndaà, maji karee unn panjaa lea
yeen lé lad to.

SINGAMONG LE ALLAH RO KANKEM NJETAAMEE-KRISTI-JE'G

Meei ge kei a kinga singamong
Ephesienje 3:16

Mba kar Ndilee ar mee si ge
kei to kogero-kogero qe goo ro-
nduba lea ge turu do loo lem,
mba kar Kristi a kuru kei mee
si'g qe goo meekunn le si lem to.

Philippienje 4:13

Mbol do yeen ge ôrem mès lé,
lee riri kârâ m'askem ra ya.

I a ged roi do kemkàr le
deouje el

1 Corinthienje 2:4

Ta ge nunga sô lé, Ndil bba
am pa taree mba kar meekunn
le si a nduna ne rea kaar singa-

mong'g le Allah bóó kaar kem-
kàr'g le deouje el.

I a kinga singa mba kor goo ta
le Jesu

Néranjekainkulaje 1:8

Nê sein a kingaje singamong
loo ge Ndilmenda e deb do si'g
lé ndaà, sein a toje njekorgoo-
ta-je lem ya, mee bbee ge Jérusalem
lem, . . . qe kor rudu nang nee
njal lem to.

Néranjekainkulaje 5:32

Yee bba jeen n'to ne njekorgoo
néje neelé lem, qe goo Ndilmee-
nda ge Allah ar deen ge ra tôr-
ndia lé lem to.

SINGAMONG LE ALLAH MBA NGEM NE 47 NJETAAMEEKRISTI-JE

Bèe ndaà, meekullom le Allah
ge dum kenji lé a kain ngang
takenji ge mee si sein ge omje
nan'd ginn Jesu Kristi lé.

—Philippienje 4:7

Aa ooje ma m'ar si singamong
qe mba kar si tubaje ne do lije
lem qe mbai-yinje lema, qe né
singamong le njeban lé lem to;
né ge rara ge a ra si kârâ a koso
ro si'g el to. —Luc 10:19

I ngem ta lem ar meeai sam-
sam do'g; loo ge néurti a kin taa
nang nee pel-pel mba naa deouje
do nang nee ndaà, m'a to dergeli
ya. —Apocalypse 3:10

Ma m'ra tamaji tai'g mba kar
i taa dee ji njeyèr'g bóó qe mba
kar i or dee nang nee el.

—Jean 17:15

Yeen ge unn banga lem qe unn
néram ge maji ra lem to lé saar
rudu ndea ndaà, m'a karee to
deou do ginnkoji deouje-deouje
lem to. —Apocalypse 2:26

. . . Namje kaar Mbaidombai-
je'g le si taaje ne singamong lea
ge dum do loo ôréje ne maree le
si. Odoje néröje le Allah bura,
omje ro si'g qe mba kôman ne
qe njekurai dum négoso lea.

—Ephesienje 6:10b, 11

*Ndukunn neelé meekunn bba
j'a kinga ne*

Matthieu 21:22

Né ge rara bba ge sein a dejije
qe meekunn qe ndukwoi le si
ndaà, kârâ sein a kingaje néee ya.

1 Jean 5:14, 15

Boo lee jeen n'kwoiyee né ge
méeé woji lé ndaà, jeen nda ne
mee ci kain dea'g ya, mbata jeen
n'ger gao yeen oo ndu ci. Boo
lee jeen n'ger to ge yeen oo ndu
ci do né ge jeen n'kwoiyee'g lé
ndaà, jeen n'ger gao to ge jeen
j'inga né ge jeen dejee lé mban to.

Matthieu 7:7, 8

Kwoi deeje né ndaà, d'a kar
si bei, sangje né ndaà, a kosoje

do si kenneng bei; undaje tâbidi
reoukei ndaà, d'a kor kar si bei
to; mbata nana bba ge kwoi dee
né ndaà, d'a karee ya. Yeen ge
sang né ndaà, a kos dea kenneng
bei; yeen ge unda tâbidi reoukei
ndaà, d'a kor karee ya to.

Jean 14:12-14

Ma m'ula si tesere, yeen ge
om méeé dom'g ndaà, néraje ge
m'ra lé, yeen a ra nja to; néraje
ge uru do yee ge nee kârâ yeen
a ra ya, mbata m'ishi m'aou ge
ro Baudeouje'g lé. Né ge rara ge
sein a kwoiyeeje qe rim ndaà,
m'a ra néee ya, mba kar Bau-
deouje lé inga ne ronduba ro
Ngonn'g. Né ge ban-ban bba lee

sein kwoiyeeje qe rim ndaà, kârâ, m'a ra néee ya. Boo lee sein undamje dann kem si'g ndaà, aaje do godndum ker-ker bba.

Marc 11:24

Gelee ge nee bba ma m'ula si, loo ge sein raje tamaji ndaà, né lai ge sein kwoije lé, omje mee si do'g to ge sein toje nje-kingáje mban ndaà, a kooje néee lé qe kem si ya to.

1 Jean 3:21, 22

Sein ge m'unda si dann kem'g lé, boo lee mee ci illa ta do ci'g el ndaà, j'a koo loo qe mba rem per ge ro Allah'g qe meendakain. Né ge rara bba ge jeen dejee kârâ, j'a taa jia'g ya; mbata jeen j'aa do godndia ker-ker lem, jeen n'ra né ge taa kemee regm lem to.

Nda mee i kain do Njeshiqenean'g ndaà, yeen nja a kar i né ge i ndinga ya. Né ge i aou ndéee lé, deji Njeshiqenean om ne mee i dea'g ndaà, yeen nja a ra néee kar i bei. — Psaume 37:4, 5

Luc 17:6

Mbaidombaije illa dee kenneng pana: Boo lee meekunn le si to asena qe kand sénevé ndaà, sein a kulaje kag bbol neelé pana: Or roi qe ngirai bur a njod aou mân dann mann baa-bô'o'g ndaà, a ra tôrndu si ya to.

Philippienje 4:19

Ginn Jesu Kristi lé, Allah lem a kodo nébaoje ge to ronduba lea ge daa nan rea'g, a kar si néje lai ge sein aouje ndôo dee.

The Scripture text is from the Bible in Ngambai by United Bible Societies Africa Regional Centre, Nairobi, Kenya. Used by permission.

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.

World Missionary Press, PO Box 120, New Paris, IN 46553-0120 USA



Read booklets online or by App

www.wmp-readonline.org

www.wmpress.org

12-18

705 Ngambai POG